

Oduševile su nas sofisticirane vjenčanice Kaftan studija

Kaftan studio ima novu kolekciju vjenčanica namijenjenih modernim mladenkama koje vole lagane, sofisticirane modele čistih linija s pažljivo biranim i ručno rađenim detaljima

Cijela kolekcija Kaftan studija odiše lakoćom i ljepotom najfinijih lepršavih tkanina. U izvedbi minimalističke romantične scenografije, svoj doprinos je dao akademski kipar Feđa Ćehajić kroz izradu skulptura ptica - čiji je let, uz buđenje proljeća i prirode, jedan od light motiva nastanka cijele kolekcije.

Prilikom realizacije kampanje Kaftan studio je okupio fantastični tim suradnika i profesionalca. Novo lice kampanje je model Selma Hadžiosmanović, za šminku je bila zadužena Renata Ponjević, frizure je radila Meliha Višća, art direkciju Kaftan studio dizajnerice, a sve pred objektivnom jednog od najboljih bosanskohercegovačkih modnih fotografa Edvina Kalića.

Kolekcija se sastoji od 24 dizajnerska modela koji će zadovoljiti ukuse i potrebe svih dama koje su ljubiteljice prefinjene Kaftan studio estetike i dizajna.